

**Iluarsiissut
Isumaliutissiissut 27. maj 2022-meersoq taarserpaa
(Inassuteqaat ilanngunneqarpoq)**

**AB-atuisunut aaqqissuussamut, Danmarkimi atuuttumut assingusumik Naalakkersuisut
aallartitsinissaannik peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Jens-Frederik Nielsen, Demokraatit)

pillugu

Sanaartornermut Ataatsimiititaliap

siunnersuutip aappassaaneerneqarneranut

ISUMALIUTISSIISSUTAA

Sanaartornermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Siverth K. Heilmann, Atassut, siulittaasup tullia
Inatsisartunut ilaasortaq Mariane Paviasen, Inuit Ataqtigiit
Inatsisartunut ilaasortaq Kuno Fencker, Siumut, sinniissutut
Inatsisartunut ilaasortaq Jens Kristian Therkelsen, Siumut
Inatsisartunut ilaasortaq Agathe Fontain, Inuit Ataqtigiit, sinniissutut

UPA2022-mi ulloq 6. maj 2022 siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Isuqaatigiissummik nalinginnaasumik atuisut entrepenørit/sanatitsisut akornanni
atorneqarsinnaasumik suliaqartoqarneranik inerpeqartussamik soqutigisaqaqtigiinnut
attuumassuteqartunut, matumani sulisitsisut kattuffii atuisunullu sinniisut ilanngullugit,
isuqaatigiinniarnert aallartinneqarnissaannik Naalakkersuisut siunnersuutikkut
peqquneqassapput.

Siunnersuutip Inatsisartuni siullermeerlugu suliarineqarnera

Siunnersuut siullermeerneqarnermini nalinginnaasumik pissuseqarfigineqarpoq. Taaguut "AP-Atuisoq" atorneqaqqippoq.

Illuutillit/atuisut pitsaanerusumik illersorneqarnissaat tamanit isumaqatigiissutigineqarpoq.

Illoqarfinni mikinerusuni nunaqarfinnilu sanasut ilinniarsimasut amerlavallaanngillat, ilaatigullumi peqanngivittarluni, taamaattumillu najukkami sanaartortup "AP-Atuisoq" atorumanngippagu atuisup inatsisitigut illersugaanissaa qularnarsinnaalluni.

Taamaattumillu illoqarfiit anginerusut avataanni atuisunut iluaqutaasinnaanersoq isumakuluutigineqarpoq.

Ataatsimiititaliap siunnersuummik suliarinninnera

Kalaallit Nunaanni sanaartornermi "AP-95"-ip nalinginnaasumik isumaqatigiissummut taaguutaanera eqqarsaatigalugu aaqqissuussinerup "AP-Atuisoq"-mik taaguuteqartinneqarnissaa siunnersuuteqartumit akerliuffigineqanngitsoq ataatsimiititaliamit maluginiarneqarpoq.

Isumaqatigiissutit maleruagassartaasa ajornaallisarneqarnissaannik siunnersuuteqartoqarnerani atuisut tamakkiisumik illersorneqarsinnaanissaat anguneqarsinnaanngitsoq Naalakkersuisut akissuteqaamminni paasissutissiissutigigaat ataatsimiititaliamit maluginiarneqarpoq.

Sanaartornermut aamma tunngatillugu Kalaallit Nunaanni oqaasiinnartigut isumaqatigiissutit atorneqarajunnerusut ataatsimiititaliamit maluginiarneqarpoq. Nalinginnaasumik isumaqatigiissuteqalernerup illuatungeriit pitsaanerusumik illersorneqalernerannik malitseqarnissaannik Naalakkersuisut neriuutaat ataatsimiititaliamit isumaqatigineqarput.

Taamaattumillu Danmarkimisut "AB-forbruger"itut ittumik nalinginnaasumik isumaqatigiissummik pisariitsumik Kalaallit Nunaannut atuuttussamut sanasoqarnissaa ataatsimiititaliamit naapertuuttut isigineqarpoq, tamatumani maanna periuuserineqartoq annertuumik isiginiarneqassalluni aammalu "AP-Atuisoq"-ip, pisariinnerulinnginnissaa qulakkeerneqassalluni.

Sanaartornermi malittarisassat naleqqussarneqarnissaannik nutarterneqarnissaannillu pisariaqartitsineq pillugit nassuiaat Ineqarnermut Attaveqatigiinnermullu Naalakkersuisuusimasumit ulloq 22. november 2019-mi saqqummiunneqarpoq. Danmarkimi periuuseq AB annertunerusumik misilittagaqarfigineqalereerpat siunissami malittarisassaliariumaakkat aatsaat naliliiffigineqaqqissasut nassuiaammi tassani kaammattuutigineqarpoq. Tamatumani "AB-atuisoq" pinnagu "AP-95" nassuiaatigineqarpoq.

§ 37 naapertorlugu apeqquummut 2020-178-mut ulloq 2. november 2020-mi akissummini Ineqarnermut Attaveqatigiinnermullu Naalakkersuisup "Atuisunut sanatitsinissamik

piumasaqaataasunut nalinginnaasunut isumaqatigiissutit” paasissutissiissutigai. Ilaatigut ”AP-Atuisoq”-tut ittunik nalinginnaasumik isumaqatigiissutinik atuilersinnaaneq Naalakkersuisunit tunuarsimaarfigineqanngitsoq oqaatigineqarpoq.

Taamaattumik atuisunut nalinginnaasumik isumaqatigiissutit suliarineqarnissaannut ”AP-95”-ip nalilersoqqinneqarnissaa utaqqqineqartariaqanngitsoq ataatsimiititaliamit oqaatigineqassaaq. Taamaattumillu ”AP-95”-ip nalilersoqqinneqarnissaanut attuumassuteqanngitsumik ”AP-Atuisoq”-p atulersinneqarsinnaanera isumaqatigiinniutigalugulu suliarineqarsinnaavoq.

AP-Atuisoq-mik atuneq nammeneq piumassutsimik aallaaveqassasoq aammalu nalinginnaasumik isumaqatigiissutit suliarineqarnerat illuatungeriit akornani inatsisitigut inissisimanerup ersarinnerulerneranik kisimi nassataqassanngimmat ataatsimiititaliamit oqaatigineqassaaq. Suliarinnereernerup kingorna paasisitsiniarnermik ingerlatsisinnaanerup, tassungalu ilanngullugu paasissutissanik ilitersuutinillu suliaqarnissap Naalakkersuisunit isumaliutigineqarnissaa naapertuutissaaq.

Ataatsimiititaliamit naggasiullugu oqaatigineqassaaq Naalakkersuisut sulinissaminni nassuiaat ulloq 22. november 2019-meersoq isummerfigisinnaagaat, tassami eqqarsaat tamanna Naalakkersuisunit tunuarsimaarfigineqanngitsoq Inatsisartunut ulloq 2. november 2020 Inatsisartunut ilisimatitsissutigineqarpoq. ”AP-Atuisoq” upernaakkut ataatsimiinnissamut 2023-mut naammassereernissaa taamaammat ataatsimiititaliamit pivusorsioritut isigineqarpoq.

Siunnersuutip aningaasaqarnikkut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip pivusunnngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassasut.

Siunnersuutip pivusunnngortinnera aningaasaqarnikkut taasarialinnik kinguneqarnaviannngitsoq siunnersuummut nalinginnaasumik oqaaseqaatini oqaatigineqarpoq.

Siunnersuutilli pivusunnngortinnerani aningaasatigut kingunerisassaasa allaaserineqarnerat tamakkiisuunnngitsutut isumaqarfiginarpoq. Taamaattumillu tamatuma naliliiffigineqarnissaanik Naalakkersuisut ataatsimiititaliamit qinnuigineqarput. Naalakkersuisut paasissutissiissutigaat naatsorsuutigineqartoq suliassap naammassineqarnissaanut avataaniit siunnersortimik ikiorteqarnissamut aningaasartuutit kr. 150.000-it missaaniissasut, taamaattorli naatsorsuutigineqartoq ”AP-Atuisoq”-ip pilersinniarneqarneranut aningaasartuutit Naalakkersuisoqarfimmut maanna aningaasaliissutaasut iluaniissinnaassasut.

Naalakkersuisoqarfiup naatsorsuutigivaa paasititsiniaanermi nittarsaassinermut aningaasartuutit kr. 100.000-it missaaniissasut. Maannakkuugallartoq aningaasartuutissanut taakununga aningaasanik immikkoortitsisoqanngilaq, taamaattumillu taakku Naalakkersuisoqarfimmut aningaasaliissutaasut iluini akilerneqarsinnaanersut uppersarneqarsinnaanngilaq. Ataatsimiititaliap siunnersuuta tunuliaqutigalugu Naalakkersuisup isumagiumaarpaa tamatuma Naalakkersuisoqarfiup 2023-mi ingerlatsinermut aningaasaliissutaanut ilanngunneqarnissaa.

Tamanna tunngavigalugu ataatsimiititaliaq allatut naliliinissamut tunngavissaqanngilaq. Taamaattumillu apeqqut tamanna sukumiisumik Naalakkersuisunit misissorneqarsimallunilu aningaasatigut kinguneqaateqassanngitsoq ataatsimiititaliamit tutsuigineqarpoq. Siunnersuulli naatsorsuutigineqanngitsunik pisortat karsiisa annertunerusumik aningaasartuutinik nassataqassagaluarpat aningaasartuutit taakkua aningaasaliissutaareersut ilulini akilerneqartariaqassapput, taamaattoqassappullu suliniutit allat pingaanninnerusunnegortinneqartariaqassallutik.

Naalakkersuisumut apeqqut akissutaalu ilanngussaq 1 aamma 2-tut ilanngunneqarput.

Ataatsimiititaliap inassuteqaataa:

Siunnersuutigineqartoq **ataatsimiititaliamit isumaqatigiittumit akuersissutigineqarnissaa Inassutigineqarpoq.**


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.




Siverth K. Heilmann
Siulittaasup tullia



Mariane Paviasen



Kuno Fencker



Jens Kristian Therkelsen

Agathe Fontain





INATSIARTUT

Ineqarnermut Attaveqaasersuutinullu
Naalackersuisoq
Erik Jensen,
Box909@nanoq.gl

Ulloq: 19-05-2022
J.nr.: 01.37.01.03-00172

Aaliangiiffigisassatut siunnersuutip piviusunngortinneqarnerani aningaasatigut kingunerisassai Naalackersuisunut nalilersoqqinneqarnissaanik qinnuteqaat: UPA/2022 imm. 69

Ulloq 6. maj 2022, immikkoortoq nr. 69 siullermeerlugu suliarineqarnerani aappassaaneerlugulu suliarineqannginnerani Sanaartornermut ataatsimiititaliamit suliarineqarnissaa innersuussutigineqarpoq.

Aaliangiiffigisassatut siunnersuutip piviusunngortinneqarnerani Naalackersuisut akissuteqarnermini aningaasatigut kingunerisassai isummerfigineqarsimangitsut ataatsimiititaliamit maluginiarneqarpoq.

Taamaammat Inatsisartut suleriaasiat § 14, imm. 3 malillugu, Ineqarnermut Attaveqaasersuutinullu Naalackersuisumit apeqqutit tulluuttut akissuteqarfigineqarnissaat ataatsimiititaliamit qinnutigineqarput:

- 1. Aaliangiiffigisassatut siunnersuutip siunnersuutigineqartutut Inatsisartunit akuersissutigineqarnerani aningaasatigut kingunerisassai suuppat?**
- 2. "AP-Atuisoq" pillugu paasisitsiniaanermik ingerlatsisoqarnerani aningaasatigut kingunerisassai suuppat?**

Immikkoortup ulloq 31. maj 2022-mi aappassaaneerneqarnissaa innersuussutigalugu, Naalackersuisumit akissutit kingusinnerpaamik marlungornermi ulloq 24. Maj 2022-mi nal. 12.00 ataatsimiititaliamut nassinneqarsimanissaat qinnutigineqarpoq

Inussiarnersumik inuulluaqqusillunga
Sanaartornermi ataatsimiititaliaq

Siverth K Heilmann
Siulittaasup tullia



Inatsisartut Sanaartornermi ataatsimiititaliaanut

**Aaliangiiffigisassatut siunnersuutip UPA2022 oqaluuserisassatut immikkoortup
69-p piviusunngortinneqarnerani aningaasatigut kingunerisassai pillugit
ataatsimiititaliap apeqqaatanut akissutit**

24-05-2022
Suliap nr.: 2022 - 6250
ID. nr. 76472938

**Apeqqut 1. Aaliangiiffigisassatut siunnersuutip siunnersuutigineqartutut
Inatsisartunit akuersissutigineqarnerani aningaasatigut kingunerisassai suuppat?**

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Akissut: Naatsorsuutigineqarpoq AP-Atuisoq pilersinniarneqarneranut aningaasartuutit
Naalakkersuisoqarfiup maanna aningaasaliissutaasa iluaniissinnaanissaat.

Naalakkersuisoqarfiup paasisimasalimmik ikiortissarsiornissani pisariaqartissavaa,
misissueqqaarnermut, allagaatinut suliaqarnermut aamma soqutigisallit peqatigalugit
isumaqatiginninniarnissat ingerlanneqarnissaanut. Naatsorsuutigineqarpoq suliassap
naammassineqarnissaanut avataaniit siunnersortimik ikiorteqarnissamut
aningaasartuutit 150.000 kr. missaaniissasut.

**Apeqqut 2. "AP-Atuisoq" pillugu paasisitsiniaanermik ingerlatsisoqarnerani
aningaasatigut kingunerisassai suuppat?**

Akissut: Takulluarneqarsimavoq AP-Atuisoq pilersinneqarneranut atatillugu atuisunut
aamma sulisartut suliffeqarfiutaannut saqqummiussisoqartariaqarnera pisariaqartoq!

Naalakkersuisoqarfiup naatsorsuutigaa paasititsiniaanermi nittarsaassinermut
aningaasartuutit 100.000 kr. missaaniissasut. Maannakuugallartoq
aningaasartuutissanut taakkununga aningaasanik immikkoortitsisoqanngilaq,
taamaattumillu qularnaatsumik oqaatigineqarsinnaanngilaq Naalakkersuisoqarfiup
maanna aningaasaliissutaasa iluani ingerlanneqarsinnaassanersoq. Ataatsimiititaliap
siunnersuutaa ajunngeqisoq tunuliaqutigalugu isumagiumaarpara tamanna
Naalakkersuisoqarfiup 2023-mi ingerlatsinermut aningaasaliissutaanut
ilanngunneqarumaartoq.

Inussiarnersumik inuulluaqqusillunga


Erik Jensen